



partii naleraq

UKA 2017/113-01

12-03-2017

Naalakkersuisut Atuarfik pillugu Inatsisartut inatsississaat nr. 15, 3. December 2012-imeersup kingornalu inatsimmut ilanngunneqarsimasinnaasunut atatillugu atuuttumut nalunaarummut Meeqqat atuarfianni immikkut ittumik atuartitsisarneq aammalu allamik immikkut perorsaanikkut ikiorsiisarneq pillugu Namminersornerullutik Oqartussat nalunaarutaat nr. 22, 23. juli 1998-imeersumut tulluussaaqqinneqarnissamik peqquneqarnissaannik Inatsisartut aalajangiiffissaattut siunnersuut

(Inatsisartunut ilaasortaq Debora Kleist, Inuit Ataqatigiit)

Inatsisartunut ilaasortap Debora Kleist-ip, Inuit Ataqatigiinneersup, Naalakkersuisut Atuarfik pillugu Inatsisartut inatsississaat nr. 15, 3. December 2012-imeersup kingornalu inatsimmut ilanngunneqarsimasinnaasunut atatillugu atuuttumut nalunaarummut Meeqqat atuarfianni immikkut ittumik atuartitsisarneq aammalu allamik immikkut perorsaanikkut ikiorsiisarneq pillugu Namminersornerullutik Oqartussat nalunaarutaat nr. 22, 23. juli 1998-imeersumut tulluussaaqqinneqarnissamik peqquneqarnissaannik Inatsisartut aalajangiiffissaattut siunnersuutaa Partii Naleraq sinnerlugu imannak oqaaseqarfigissuarput:

Siunnersuuteqartup ilaatigut siunnersuummini tunngavilersuutai paasinarluarput, tassa immikkut ittumik atuartitsinermi aamma allamik immikkut perorsaanikkut ikiorsiisarnermi aaliangersakkat ulluinnarni atuisunit nalornissutigineqartarsimammata, tassa 2012-imili meeqqat atuarfiat pillugu Inatsisartut inatsisaat allanngortinneqarmat, nalunaarut tassunga atasoq 1998-imeersoq allanngortinneqarsimanngimmat.

Taamaammat paatsuugassutaasinnaasut tamaasa qaangerniarlugit inassutingaarput siunnersuut aappassaanerreqartinnani kulturimut, ilinniartitaaanermut, ilisimatusarnermut ilageeqarnermullu ataatsimiititaliami suliarineqassasoq.

Anthon Frederiksen